

天淨沙 白樸

孤村落日殘霞，輕煙老樹寒鴉，一點飛鴻影下。
青山綠水，白草紅葉黃花。

天淨沙 喬吉

鶯鶯燕燕春春，花花柳柳真真，事事風風韻韻。
嬌嬌嫩嫩，停停當當人人。

湖上送別 張可久

紅蕉隱隱窗紗，朱簾小小人家，綠柳匆匆去馬。
斷橋西下，滿湖煙雨愁花。

現代仿作

可樂雞腿漢堡，餅乾麵包薯條，新地聖代雪糕。
樣樣都要，吃完直接睡覺。

沉醉東風 關漢卿

夜月青樓鳳簫，春風翠髻金翹。
雨雲濃，心腸俏，
俊龐兒玉軟香嬌。六幅湘裙一搦腰，問別來十分瘦了。

沉醉東風·秋景 盧摯

掛絕壁松枯倒倚，落殘霞孤鶩齊飛①。
四圍不盡山，一望無窮水。
散西風滿天秋意。夜靜雲帆月影低②，載我在瀟湘畫裡③。┌